

李文恭公遺集

李文恭公奏議卷四目錄

湘陰李星沅石梧著

男  
桓概編次

陝撫

請獎捐修城垣官紳摺子

附奏升任運司暫緩交卸片子

附奏並無京控咨交案件片子

請獎捐修書院義學官民摺子

特參疎防盜案知縣摺子

審辦蔑倫重犯摺子

揀員請升鄜州知州摺子

查明沔縣等處被水較重懇

恩撫卹摺子

奏派入關簾官摺子

附奏監臨文關片子

查明北山被雹村莊懇

恩撫卹摺子

服滿知縣呈請改敎摺子

審擬強劫輪姦殺差首夥各犯摺子

附奏開復原參知縣頂戴片子

奏謝子杭鄉試中式摺子

查明鄉試年老士子未經中式摺子

查明北山歉收州縣懇

恩緩徵摺子

查禁各屬私錢摺子

附奏並無京控咨交案件片子

覆查被災州縣情形摺子

甄黜知縣摺子

密陳司道府考語摺子

附奏學政考試情形片子

恭謝

頒賞福字摺子

查明錢糧完解數目摺子

附奏委署知縣片子

請獎捐修城垣官紳摺子

奏爲官紳捐修城垣完竣懇

恩分別獎勵仰祈

聖鑒事竊照鄆縣城垣內外土築磚砌排垛週圍四里三分長八百二十六丈高三丈自乾隆十一年請項重修後迄今九十餘載均由歷任隨時黏補總未大加修葺兼之地氣潮濕風雨漂搖以致城垛城樓多有坍塌臌裂若不及時修理不足以資捍

衛現經署該縣知縣李文瀚首先倡捐并勸諭紳  
民踴躍樂輸集有成數選派公正紳士董司其事  
官爲督率稽查於道光二十二年九月十五日興  
工至二十三年二月十六日修理完竣詳委勘驗  
俱係如式修築堅固并無草率偷減共用過工料  
銀二萬五千三百兩內署該縣知縣李文瀚捐銀  
三千二百六十七兩各紳民捐銀二萬二千三十  
三兩據該管府道查明加結由藩司陶廷杰核議

具詳請

奏前來

臣

查例載各省修城等項公事士民捐銀二

百兩以上者給予九品頂帶三百兩者給予八品

頂帶一千兩以上給予鹽知事職銜如現有職銜

八品以下仍照士民一體議敘又勸捐董事出力

人員概給予紀錄二次地方官勸捐亦給予紀錄

二次又現任七品等官捐輸三千兩以上加六品

銜各等語今鄂縣城垣歷年既久諸多傾圮該紳

民捐資修復洵屬有益地方除捐數不及議敘者  
由本省辦理外其鹽知事職銜捐銀一千兩之何  
振川暨各民人捐銀三百兩之嚴占鰲二百五十  
兩之李閏二百四十兩之鄭崇德二百兩之趙東  
海閻繼緒張元爵雒恒成閻化鵬并在工經理之  
舉人揀選知縣議敘內閣中書崔玉徵舉人韓平  
章生員楊清俊武生溫元章等始終出力均應請  
旨勅部分別議敘至署鄴縣知縣李文瀚首先倡捐銀

三千二百六十七兩并勸諭士民捐輸力籌興辦  
俾得費集工成實屬督率有方盡心民事合無仰  
懇

聖恩照例加銜議敘出自

鴻慈再此項工程係官民捐辦請免造冊報銷除將各  
捐戶年貌履歷清冊送部外理合恭摺具

奏伏乞

皇上聖鑒訓示謹

奏道光二十三年六月二十七日具

奏奉

硃批另有旨欽此內閣奉

上諭李星沅奏官紳捐修城垣完竣懇請分別獎勵一  
摺著吏部議奏此項工程免其造冊報銷該部知道  
欽此

附奏升任運司暫緩交卸片子

再陝安道蔡瓊欽奉

上諭升授浙江鹽運使應卽飭令前赴新任惟該道統轄南山一帶地要事繁現在遼委乏員查新任陝安道兆那蘇圖由京來陝爲期較速相應奏摺

天恩俯准蔡瓊暫緩卸事俟兆那蘇圖到任再行交卸起程實於公事有裨除檄飭遵照外理合附片奏

聞謹

奏

硃批依議欽此

附奏並無京控咨交案件片子

再前准吏部咨欽奉

上諭各省京控咨交案件嗣後著各該督撫將逾限未  
結之案每屆半年彙奏請旨交部議處一次俾承辦  
各員咸知儆畏等因欽此查陝省自本年正月至今  
止并未接准刑部及都察院步軍統領各衙門咨  
交京控案件亦無從前逾限未結之案現屆半年

理合附片奏

聞謹

奏

硃批知道了欽此

請獎捐修書院義學官民摺子

奏爲官民捐資修建書院義學懇

恩分別獎勵仰祈

聖鑒事竊照神木縣舊有興文書院一所年久未修膳  
修膏火亦未充足以致講席曠廢現經該縣知縣  
王致雲同教諭薛蘭皋首先倡捐興辦并勸諭士  
民量力捐輸共捐錢四千七百五十千文內該縣  
捐錢一百二十千文教諭捐錢三十千文於本年

二月底收齊除修理書院及置備書籍等項用錢  
六百五十千文尙存錢四千一百千文該縣隨發  
商承領按年交息錢四百一十千文又於城內添  
建麟城義學暨高家堡地方添建彌川義學各一  
所將前項捐存錢文撥給生息令各紳士自行經  
管延師課讀餘錢議爲書院息本并擬定章程通  
詳立案及商民捐錢數目開冊齎送由府道移司  
核議具詳請

奏前來

臣

查例載士民急公報效捐輸銀二百兩以

上者給予九品頂帶三百兩以上者給予八品頂

帶地方官勸捐出力給予紀錄二次等語今神木

縣士民捐資修復書院添設義學洵屬急公好善

除捐數不及議敘者由本省辦理外所有捐錢三

百二十千文之文生黃在中捐錢二百四十千文

之監生宋賢衍生宋彬童生薛敏民人劉士彥張

世昌王長春王德修武衛塘白遐齡王再春十一

名相應請

旨交部照例議敘至神木縣知縣王致雲教諭辯蘭皋  
首先倡捐復勸諭士民捐輸於地方公事均屬認  
真出力可否仰懇

聖恩量加議敘之處出自

鴻慈再此項各工係官民捐辦請免造冊報銷合併陳  
明除將各捐戶年貌履歷清冊送部外理合恭摺

具

奏伏乞

皇上聖鑒訓示謹

奏 道光二十三年七月十四日具

奏奉

硃批另有旨欽此內閣奉

上諭李星沅奏官民捐修書院義學請分別獎勵一摺  
著吏部議奏此項工程免其造冊報銷該部知道欽  
此

特參疎防盜案知縣摺子

奏爲特參疎防盜案之縣令請

旨摘去頂帶勒限嚴緝仰祈

聖鑒事竊據署宜川縣知縣張調具詳本年三月十一

日夜縣民魏有玉家被盜行劫輪姦其媳魏黎氏

并拒殺捕役楊奎李祥致傷轟幅郭三省宋興旋

經拏獲從犯秦大守又在山西吉州協獲張大觀

史進喜牛跟紀子李跟娃等情當卽批飭嚴拏逸

犯務獲究報并據司詳咨會山西巡撫將張大觀  
史進喜李跟娃委員解陝聲明牛跟紀子於被獲  
時跳厓跌傷已在吉州監斃隨提秦大守及人證  
來省飭發委員西安府知府李希曾審辦去後茲  
據府詳連日隔別研訊據張大觀史進喜供稱糾  
夥搜劫輪姦婦女及拒捕殺傷差役均係在逃之  
河南老四爲首同禿子老七卽老四汾西老三狗  
盛兒奎兒所爲伊二人并無其事李跟娃秦大守

亦稱是夜看守行李并未同行上盜何人進窯搜  
劫如何輪姦俱不知情迨差拏時先行躲避亦未  
看明何人殺傷差役質之事主與受傷差役僉以  
忙遽之際未及認清無從辨别指證反覆嚴詰堅  
執如故若非勒拏各犯到案不足以成信讞由藩  
臬兩司會詳請

奏前來臣查此案盜犯結夥十一人之多膽敢搜劫  
輪姦拒捕殺差情罪較重亟應速拏嚴究明正典

刑乃僅獲犯五名核計尙未過半且未兼獲盜首  
該署縣張調既不能防範於先又不能力緝於後  
以致現犯恃無質證任意狡供虛實未分盜證未  
確辦理實爲玩泄該員雖已卸篆未便任其置身  
事外轉得避重就輕相應據實

奏參請

旨將前著宜川縣候補知縣張調先行摘去頂帶勒限  
兩月協緝至現任宜川縣知縣程義勦接緝此等

重案亦必認真督捕斷不容身任地方意存推卸  
現經分別嚴飭務將首要各犯上緊緝拏歸案審  
辦倘逾限無獲卽一併從重參處以示懲儆謹會

同陝甘督

臣富呢揚阿恭摺具

奏伏乞

皇上聖鑒訓示謹

奏道光二十三年七月十四日具

奏奉

硃批另有旨欽此內閣奉

上諭李星沅奏請將疎防盜案之縣令摘去頂帶勒限  
嚴緝一摺陝西署宜川縣事候補知縣張調於盜劫  
輪姦拒捕殺差重案獲犯僅止五名且未兼獲盜首  
辦理實爲玩泄張調著先行摘去頂帶勒限兩月協  
緝該撫仍嚴飭現任宜川縣知縣程義勲認真接緝  
務獲首要各犯歸案審辦倘逾限無獲卽一併從嚴  
參處該部知道欽此

審辦蔑倫重犯摺子

奏爲審明蔑倫重犯按律辦理恭摺奏

聞仰祈

聖鑒事竊據署安康縣知縣周嘉會詳報客民董黑子砍傷伊父董垂幅身死等情臣以案情重大當卽

批飭臬司提省委審茲據委員西安府知府李希

曾督同該署縣審擬由司解勘前來臣隨親提犯

證研鞠緣董黑子籍隸湖北咸甯縣寄居安康縣

已死董垂幅係伊親父董黑子平日游惰董垂幅時常打罵本年正月間復將董黑子趕逐出外各處乞食六月十八日早飯時董黑子忍餓回家董垂幅正在寵前造飯瞥見斥罵董黑子央懇收留董垂幅不允仍向趕逐董黑子不肯走出并稱董垂幅畧無父子情分董垂幅生氣詈稱董黑子忤逆該死順手取案上菜刀撲砍董黑子跑避不及忙用兩手捉住刀柄扭奪致刀尖劃傷董垂幅額

顱上唇吻董黑子將刀奪過帶傷董垂幅右手腕  
董垂幅愈加忿怒左手揪住董黑子胸衣推靠牆  
上用右手虎口叉住咽喉嚙稱定欲致死董黑子  
掙不脫身喘氣不出一時情急橫持刀柄向董垂  
幅嚇砍冀令釋手不期董垂幅仰頭側閃董黑子  
收手不及適傷董垂幅咽喉側跌倒地墊傷左手  
腕經房主鄭陳氏喊同周學幅趨至將董黑子捉  
住查看董垂幅業已因傷殞命報縣驗訊各供前

情不諱再四嚴詰委係嚇砍適傷并無謀故別情  
及在場加功之人矢口不移案無遁飾查律載子  
毆殺父者凌遲處死等語此案董黑子砍傷伊父  
董垂幅身死實屬罪大惡極自應依律問擬董黑  
子合依子毆殺父者凌遲處死律凌遲處死該犯  
蔑倫傷化行同梟獍未便稍稽顯戮查該縣距省  
在三百里以外臣於審明後恭請

王命飭委臬司傅繩勛會同臣標中軍叅將馬輔相將

該犯董黑子押赴市曹凌遲處死仍傳首犯事地  
方梟示鄭陳氏周學幅解救不及應無庸議無干  
省釋除將供招咨部外理合恭摺具

奏伏乞

皇上聖鑒再此案係照刑部議定章程專摺具奏合併  
陳明謹

奏 道光二十三年七月二十八日具

奏奉

硃批刑部知道欽此

揀員請升廊州知州摺子

奏爲揀員請升北山要缺直隸州知州仰祈

聖鑒事竊照廊州直隸州知州徐葆甫因病出缺業經

臣  
恭疏

題報在案所遺員缺係繁疲難兼三例應在外揀員  
升調該州地處北山界連甘肅五方雜處訟獄繁  
多所轄三縣均資督率稽查必須精明幹練之員  
方足以資整頓臣與藩臬兩司在通省直隸州知

州及同知并府屬知州內逐加遴選非現居要缺  
卽人地未宜實無合例堪調之員惟查有長安縣  
知縣陳捷魁年五十歲福建舉人大挑知縣籤掣  
陝西道光十一年三月到省

題署白水縣知縣調補南鄭縣知縣十九年三月到  
任二十年倡捐督修漢中府城完竣保奏奉

旨給予六品頂帶旋調今職該員老成純謹明練安詳。  
歷俸已滿三年并無違礙處分以之升補廊州賞

屬合例亦堪勝任據藩臬兩司會詳請

奏前來合無仰懇

天恩勅部核覆准以長安縣知縣陳捷魁升補廊州直隸州知州實於北山要地大有裨益如蒙

俞允該員係知縣請升直隸州應俟部覆至日給咨赴

部引

見所遺長安縣知縣係衝繁疲難要缺容再揀員調補合併陳明所有請升要缺直隸州知州緣由謹會

同陝甘督臣富呢揚阿合詞恭摺具

奏伏乞

皇上聖鑒訓示謹

奏 道光二十三年七月二十八日具

奏奉

硃批另有旨欽此內閣奉

上諭李星沅奏揀員升補要缺直隸州知州一摺著照  
所請陝西鄜州直隸州知州員缺准其以陳捷魁升

補照例送部引見該部知道欽此

查明汚縣等處被水較重懇

恩撫卹摺子

奏爲查明汚縣等處被水較重懲

恩施撫卹恭摺奏祈

聖鑒事竊照陝省本年六七月間連值大雨山水驟漲致濱臨漢江及沿河各州縣間有冲塌漫溢兼被雹傷之處臣先後接據稟報當卽批司速移道府

督飭印委各員逐細履勘并於七月分雨水摺內

聲明具

奏在案茲據署漢中府知府賀仲城親詣督勘惟沔  
縣襄城洋縣三處被水較重查沔縣武侯祠等三  
十二村莊冲塌民房四千一百七十餘間淹斃男  
女大小九十四名口城垣廟宇武職衙署兵房驛  
路等項間亦被淹襄城打鐘壩等二十一村莊冲  
塌民房一千九百五十餘間淹斃男女大小十四  
名口棧道亦多冲壞洋縣湑水舖等六十三村莊

冲場民房六千九十九十餘間淹斃男女大小一百三十七名口當經各縣飭卽撈屍掩埋并捐廉散給貧民口食搭蓋蓆棚暫資栖止令將冲淤田地翻犁補種雜糧漸次長發可望有收無庸接濟惟所需修葬二費爲數甚鉅勢難捐資徧及按照定例河縣需銀三千九十二兩襄城需銀一千九百八十二兩零洋縣需銀五千二百九兩零等情稟請籌款給發并據藩司請於該府庫存備急項下就

近先行借用具詳前來

臣

查汚縣襄城洋縣均背

倚南山近逼漢水又有山礀溪河參錯其間地勢  
本極陡隘茲以江河並漲猝不及防閘致遭水  
患蕩析情形殊堪憫惻相應奏懇

鴻慈俯如所講照例賞給資費

臣

當嚴飭各員將現在

酌發銀兩認真散放務令實惠及民俾得及早修  
蓋無致一夫失所以期仰副

聖主軫念窮黎之至意此外被水被雹地方查得佛坪

畱壩甯羌西鄉南鄭城固隴州七廳州縣被淹無  
幾鳳縣被雹亦輕業經各地方官捐廉安撫民情  
靜謐均無庸另予調劑其餘孝義廳等處正在查  
勘詳析容俟飭催詳覆再行辦理所有勘明沔縣  
等處被水較重分別撫卹緣由理合恭摺具

奏伏乞

皇上聖鑒訓示謹

奏道光二十三年閏七月二十三日具

奏奉

硃批另有旨欽此內閣奉

上諭李星沅奏查明各廳州縣被水被雹輕重情形一  
摺本年陝西省六七月間連值大雨山水驟發江河  
并漲沔縣襄城洋縣三處冲塌民房淹斃人口居民  
修葬無資自應量予撫卹加恩著照所請所有沔縣  
武侯祠等三十二村莊需銀三千九十二兩襄城打  
鐘壩等二十一村莊需銀一千九百八十二兩零洋

縣渭水鋪等六十三村莊需銀五千二百九兩零均  
著准其在漢中府庫就近先行借用嚴飭各員認真  
散放該撫卽行刊刻謄黃遍行曉諭務使實惠及民  
毋任吏胥舞弊用副朕軫念災黎至意其畱壩葭州  
被水被雹之處應否調劑該撫卽行查明具奏該部  
知道欽此

奏派入閩簾官摺子

奏爲酌派入閩簾官循例奏

聞仰祈

聖鑒事竊本年癸卯科鄉試陝甘兩省應調內外簾官二十一員除甘肅例派三員外餘應陝省揀派臣

查現任寶陝州縣其進士舉人出身合例應調者每多現居繁劇及經手要件一時考選不敷遵照道光十年新例於候補知縣內酌量添派以足二

十一名之數由

臣

嚴密局試擇其文理優長始派

內簾分校計同考官十員內甘肅通渭縣知縣金

坤一文縣知縣方奎炯陝西甯羌州知州孫玉麒

宜君縣知縣陳模甘泉縣知縣余庚陽洛川縣知

縣教星煌延長縣知縣王義樟清澗縣知縣曹士

鶴以上八員俱係實缺尙不敷二員以揀發知縣

金玉麟熊兆麟派充

臣

復諱飭再三務當矢慎矢

公盡心校閱俾各呈薦佳卷無稍屈抑眞才所有

實缺不敷分校添派揀發知縣緣由理合循例具

奏伏乞

皇上聖鑒謹

奏 道光二十三年八月二十七日具

奏奉

硃批知道了欽此

附奏監臨文闈片子

再臣於八月初六日循例入闈監臨本屆兩省士

子以頻年豐稔踴躍觀光人數多至八千有餘爲  
近科所未有經臣關防嚴密節次親厯各號督率

稽查并例給士子食物亦俱眼同散放場規均極

安靜所有三場試卷業經督飭彌封謄錄對讀各

官詳慎經理全數解交內簾仍畱提調監試二員

小心住守隨時防範臣於二十二日始行出闈除

恭疏

題報外合併陳明謹

奏

硃批知道了欽此

查明北山被雹村莊怨

恩撫卹摺子

奏爲查明北山州縣被雹村莊怨

恩分別緩徵仰祈

聖鑒事竊照前據葭州稟報被雹暨畱壩廳稟報被水  
當經臣批府確勘并於辦理沿河州縣被水案內

陳

奏欽奉

李文恭公奏議

卷四  
陝撫

三

諭旨應否調劑卽行查明具奏等因欽此轉行遵照在案嗣神木府谷雨縣續報該縣等地方亦於七月二十七八九等日被雹復飭併勘妥辦去後茲據該管各府督率查明畱壩廳被水情形尙屬輕淺間有冲淹房地業經該廳捐廉安撫不致成災毋庸調劑惟葭州前後圪塢會等二十三村莊田禾被雹較重時交秋令補種不及本年麥收中稔現在民食尙無缺乏之虞將來應否撫卹并明春如

何借給籽種容俟秋後察看酌辦所有應完下忙  
地丁銀糧懇請全緩又該州寺子川等十八村莊  
及神木縣北草灣溝等二十一村莊間被雹傷收  
成未免歉薄懇將下忙地丁銀糧概行酌緩一半  
至府谷縣被雹之胡家塢等九十七村莊尙有未  
傷秋禾可望薄收居民亦不致乏食無需另加賑  
撫第情形不無拮据錢糧難以徵收請將各村莊  
本年下忙新舊錢糧兵米及帶徵各年出借籽種

一概緩徵等情由藩司核議具詳請

奏前來

臣

查該州縣等均係北山瘠區連年歉收閭

閻素鮮儲蓄此次秋禾被雹雖各村莊情形輕重

不同若照常徵收錢糧民力實有未逮合無仰懇

天恩俯准將葭州被雹較重之前後圪塢會等二十三

村莊應納本年下忙地丁銀糧府谷縣胡家塢等

九十七村莊本年下忙新舊錢糧兵米及帶徵節

年出借籽種等項全數展緩其葭州寺子川等十

八村莊本年下忙地丁銀糧同神木縣北草灣溝等二十一村莊本年下忙地丁銀糧草束均緩一半概至二十四年秋後啟徵以示體恤之處出自鴻慈爲此恭摺具

奏伏乞

皇上聖鑒訓示謹

奏 道光二十三年八月二十七日具

奏奉

硃批另有旨欽此內閣奉

上諭李星沅奏查明北山州縣被雹村莊懇恩分別緩徵一摺本年陝西省葭州等州縣秋禾被雹或因秋令已深補種不及或因收成歉薄乏食堪虞若仍照常徵收錢糧民力不無拮据自應量予體卹加恩著照所請所有葭州被雹較重之前後圪塢會等二十三村莊應納本年下忙地丁銀糧府谷縣胡家塢等九十七村莊本年下忙新舊錢糧兵米及帶徵節年

出借籽種等項准其全數展緩其葭州寺子川等十八村莊本年下忙地丁銀糧同神木縣北草灣溝等二十一村莊本年下忙地丁銀糧草束均著准緩一半概至二十四年秋後啟徵該撫卽刊刻謄黃遍行曉諭務使實惠及民毋任吏胥舞弊用副朕軫念欵區至意該部知道欽此

服滿知縣呈請改教摺子

奏爲服滿知縣呈請改就教職恭摺奏祈

聖鑒事竊照同州府轉據蒲城縣詳開前任貴州鎮遠

縣知縣原珏呈稱現年四十五歲陝西蒲城縣人

道光壬辰科進士由翰林院庶吉士散館選授貴  
州鎮遠縣知縣十四年二月到任因病卸事旋在  
黔省醫痊請咨引

見奉

旨坐補原缺嗣卽回籍省親未經赴補於二十年十一  
月初六日丁繼母憂現已服滿情願改就教職銓  
選等情由藩司具詳前來臣查原珏係進士出身  
學問優長年力正壯由知縣呈改教職核與定例  
相符相應請

旨將前任貴州鎮遠縣起復知縣原珏以教職改補歸  
部選用除咨明吏部辦理外理合恭摺具

奏伏乞

皇上聖鑒訓示謹

奏道光二十三年九月二十五日具

奏奉

硃批另有旨欽此內閣奉

上諭李星沅奏服滿知縣呈請改就教職一摺前任貴  
州鎮遠縣起復知縣原珏著准其以教職改補歸部  
選用該部知道欽此

審擬強劫輪姦殺差首夥各犯摺子

奏爲拏獲強劫輪姦殺差首夥盜犯審明定擬恭摺

奏祈

聖鑒事竊照宜川縣民魏有玉王北元家被盜行劫輪姦并拒捕殺傷差役一案先據該署知縣張調拏獲從犯秦大守又在山西吉州協獲張大觀史進喜牛跟紀子李跟娃當卽咨會山西巡撫將張大觀等委員解陝聲明牛跟紀子於被獲時跳厓跌

傷已在吉州監斃隨提集人証及秦大守飭發委  
審張大觀等恃無質証任意狡供且案內盜犯十

一人之多僅獲五名核計尙未過半經

臣

具摺參

奏欽奉

諭旨將前署宜川縣事候補知縣張調摘去頂帶勒限

兩月協緝旋據張調會同現任知縣程義勲遴差

丁役於本年閏七月十四五及八月初五二十三

等日先後在山西汾西蒲縣太平絳州等處協同

各該州縣兵役續獲劉奎兒王重高楊老三黃全  
幅王狗盛兒并西安府派差協同蒲縣兵役拏獲  
王福兒一併解陝歸案審辦去後茲據臬司傅繩  
勛督率委員西安府知府李希曾暨宜川縣知縣  
程義勲訊明定擬解勘前來臣親提各犯逐加研  
鞠緣王重高卽河南老四又名徐重高王幅兒卽  
老四又名禿子老七籍隸河南永甯洛陽二縣張  
大觀卽老五又名玉觀子史進喜卽老四劉奎兒

楊老三卽汾西老三又名三原兒王狗盛兒卽王六娃又名王英秦大守卽鄉裏老漢黃全幅卽全幅兒李跟娃及已獲傷斃之牛跟紀子分隸山西介休汾西臨汾聞喜安邑絳州霍州向在各處傭工熟識王幅兒史進喜王狗盛兒先於道光二十三年正月二十六日夜夥同張其英等行竊山西蒲縣事主劉德基家衣服糧食差緝未獲餘俱素未爲匪二月二十九日王重高牛跟紀子王幅兒

張大觀史進喜劉奎見楊老三王狗盛見秦大守  
黃全幅李跟娃先後會遇互道貧難王重高牛跟  
紀子邀允王幅兒等來陝尋工三月初十日行抵  
宜川縣孫家壕地方因無雇主向該處同院聯窯  
居住之魏有玉王北元家求乞王北元見其人衆  
給米一升牛跟紀子嫌少爭論魏有玉之妻魏黃  
氏斥其均非好人未給糧食各犯回至空窯牛跟  
紀子因被斥氣忿且見王北元等單門獨院并無

鄰佑起意行劫衆俱允從卽於十一日夜二更時  
分牛跟紀子令黃全幅在窯看守行李自與王重  
高王幅兒張大觀史進喜劉奎兒楊老三王狗盛  
兒分帶刀械秦大守李跟娃徒手行至中途李跟  
娃畏懼潛回牛跟紀子又因秦大守年老令在路  
口看人牛跟紀子等八人齊至事主窯院門首用  
石撞開院門王幅兒張大觀劉奎兒楊老三在院  
接贓王北元聞聲開門出視牛跟紀子王重高史

進喜王狗盛見乘勢進內王兆元見勢兇惡不敢攔阻牛跟紀子等劫得衣物復與王幅兒等燃火照亮撞開魏黃氏窯門一齊進內魏黃氏同子魏春榮媳魏黎氏均被嚇禁畏弗敢動牛跟紀子等搜出錢衣布匹王重高見魏黎氏少艾商允各犯搶出輪姦當將魏黎氏背往窯頂魏春榮等趕救張大觀等各拾石塊擲打并持械向魏黎氏恐嚇魏黎氏不敢作聲王重高令牛跟紀子史進喜將

其按壓地上首先姦污以後牛跟紀子等七人遞相按壓挨次姦畢復將魏黎氏擡回窯院分攜各贓招呼秦大守與黃全幅等一同逃逸王北元等報縣會營勘訊簽差楊奎等分投緝拏十二日下午牛跟紀子等走至交子溝惶稱結伴逃荒投宿張得飯店次早正欲起身適縣差楊奎李祥聶福宋興郭三省追及堵門捕拏時劉奎見站立門口情急用拳毆陽楊奎右眼胞牛跟紀子因無路可

竄起意拒捕大衆應允牛跟紀子卽擎鐵刀王重  
高攜磁銚盆張大觀手提鐵鍋并攜木鞭杆史進  
喜拾取半節磨杆楊老三攜木橛柄王狗盛見王  
幅兒分攜鐵尺木棒齊出抗拒秦大守黃全幅李  
跟娃徒手攜贓乘空逃跑縣差楊奎等向捉王重  
高張大觀各用磁盆鐵鍋摔打楊奎等閃避鍋盆  
落地跌碎劉奎兒亦取門外鐵鍤借衆拒敵楊奎  
等各執鞭杆木棍格鬪差役聶福被劉奎兒用鍤

頭毆傷左臂膊郭三省被王幅兒用棒毆傷頂心  
左額角均昏暈倒地宋興被史進喜用磨杆毆傷  
右腿楊奎被張大觀用鞭杆毆傷左乳牛跟紀子  
用刀亂砍致傷楊奎髮際偏左相連顱門劃傷左  
臂膊右眼角仆跌倒地磕傷額顱右牛跟紀子又  
砍傷宋興偏右左右額角刀尖帶傷其右眉叢倒  
地王狗盛兒用鐵尺毆傷李祥髮際倒地滾罵王  
重高拾起破鍋鐵片連毆李祥偏左顱門腦後帶

傷人中王重高楊老三亦先被差役用棍毆傷右  
臂膊脊背經張得投知地保趨赴協拏犯已逃逸  
楊奎李祥旋各因傷殞命報縣詣驗會營添差追  
捕牛跟紀子等趕上秦大守等告知前情棄械逃  
至楊家莊地方牛跟紀子因拒捕傷差事犯重大  
復商允各犯行竊錢物作爲路費遠遁是夜四更  
牛跟紀子攜刀同王重高張大觀史進喜王狗盛  
兒五人行至張朋當鋪門首牛跟紀子用刀挖洞

與王狗盛見進內竊得衣服錢文遞交王重高等  
分攜走出分別變賣俵分穿用而逸復經張朋報  
縣飭拏當據緝役稟獲秦大守并在山西吉州協  
獲牛跟紀子張大觀史進喜李跟娃四名因牛跟  
紀子跌震內損身死咨提張大觀等來陝飭委審  
訊狡供推卸必須嚴拏逸盜始成信讞經臣

奏參勒緝續據該前署縣張調暨現任知縣并西安  
府協同山西汾西等州縣將各逸犯全數弋獲歸

案審解

臣

隨親提研鞫各供前情不諱嚴詰此外

再無窩夥竊劫別案及知情容畱之人惟查張大

觀史進喜初次到案據稱搜劫殺差俱係王重高

爲首茲獲王重高等質訛全行諉之牛跟紀子起

意糾約顯係因其傷斃狡展況事主之媳魏黎氏

既被該犯入人輪姦何以未至殞命其中不無可

疑復經臣隔別提問反覆推究據張大觀等堅供

前因牛跟紀子先已傷斃王重高等又未到案無

人質証憶及輪姦事主婦女本係王重高起意遂  
將強劫殺差一併混指爲首並捏供伊二人並無  
其事現供俱屬實情不敢再行支飾質之王重高  
等均各供吐如繪至魏黎氏被伊等輪姦登時昏  
暈不省人事是以將其擡回窯院復訊案內人証  
僉稱魏黎氏曾於事後墮胎患病數月現在尙未  
痊愈委被輪姦屬實再四駁詰加以刑嚇矢口如  
一真贓有獲正盜無疑查律載強盜已行而但得

財者不分首從皆斬又例載強盜姦污人妻女不分曾否得財俱照得財律斬奏請審決梟示又盜劫之案各該督撫嚴行鞠審將法所難宥及情有可原者一一分晰於疏內聲明大學士會同三法司詳議將法所難宥者正法情有可原者發遣新疆給官兵爲奴又其謀爲強盜夥犯臨時畏懼不行事後分得贓物者杖一百流三千里又犯罪事發官

司差人持票拘捕如有逞兇拒捕殺死差役者爲首擬斬立決爲從幫同下手者不論手足他物金刃絞監候在場助勢并未幫凶成傷者改發極邊足四千里充軍各等語此案王重高等聽從已獲傷斃之牛跟紀子夥劫同院居住一門出入之王北元魏有玉等家衣物牛跟紀子與王重高史進喜王狗盛兒王幅兒張大觀劉奎兒楊老三先後進窯搜劫王重高將事主之媳魏黎氏搶出與牛

跟紀子等輪按姦污事後因差追拏復聽從牛跟  
紀子拒捕各將緝役楊奎李祥等殺傷實屬不法  
查楊奎被牛跟紀子刀砍致命偏左相連顙門骨  
損李祥被王重高用鐵鍋片迭毆致命偏左顙門  
等處骨損均是致死重傷該二犯各斃差役一命  
各科以爲首之罪俱止斬決其劉奎兒等在場助  
勢幫毆拒傷差役聶福宋興郭三省等分別按擬  
亦罪止絞候遣戍惟先經夥劫輪姦均應斬梟自

應從重問擬王重高卽河南老四牛跟紀子王幅  
兒卽禿子老七張大觀卽玉觀子史進喜卽老四  
劉奎兒楊老三卽汾西老三王狗盛兒卽王六娃  
八犯除先後夥竊計贓及拒捕殺傷差役各輕罪  
不議外均合依強盜姦污人妻女不分曾否得財  
俱照得財律斬決梟示例擬斬立決梟示牛跟紀  
子先已因傷監斃仍飭戮屍一併傳首犯事地方  
懸竿示衆秦大守聽從行劫僅止一次且在路上

瞭望并未入室搜贓其餘各犯輪姦婦女并拒捕殺傷差役均未在場係屬情有可原應照例免死發遣新疆給官兵爲奴黃全幅聽從行劫於王重高等上盜時在空窯看守行李係因別故未行李跟娃臨時畏懼逃回事後均分得贓物其於王重高等拒捕時該犯等俱乘空攜贓逃逸並未在場助勢自應分別依例問擬黃全幅合依共謀爲強盜夥犯因別故不行事後分贓杖流例擬杖一百

流三千里李跟娃合依臨時畏懼不行事後分得  
贓物杖徒例擬杖一百徒三年均至配折責安置  
以上各犯俱於左面刺強盜二字王重高有兄王  
重盛劉奎兒有兄劉亨敏王幅兒有父王金奎不  
能禁約其子弟爲盜飭縣移知各原籍查提責懲  
各犯在外爲匪原籍牌甲無從覺察應與訊非知  
情容畱之店戶張得協捕不及之地保楊正貴均  
請免議傷亡差役酌予恤賞牛跟紀子因傷監斃

刑禁人等訊無凌虐情弊業經山西吉州議結獲  
贓分別給領未獲照估追賠盜具案結銷燬鑄頭  
等械供棄免起至首先拏獲鄰省罪應斬梟盜犯  
三名應敘職名係署山西吉州試用知縣劉龍光  
協獲鄰省罪應斬梟盜犯二名職名係山西蒲縣  
知縣吳道濂拏獲鄰境斬梟盜犯一名職名係西  
安府知府李希曾接緝盜劫輪姦首要各犯全獲  
應敘職名係現任宜川縣知縣程義勲其餘協獲

文武應敘各職名咨查明確另行核辦除全案供招咨部外所有審明定擬緣由理合恭摺具

奏伏乞

皇上聖鑒勅部核覆施行謹

奏道光二十三年十月十七日具

奏奉

硃批刑部速議具奏欽此

附奏開復原參知縣頂帶片子

再查此案盜犯十一人多由鄰省闖入犯事旋卽逃回蹤跡甚爲詭秘前署宜川縣張調雖失防範於先道被參勒緝之後設法協拏分投追捕能於兩月限內將首夥各逆犯全數弋獲不致一名漏網尙屬自知愧奮合無仰懇

天恩將前署宜川縣事候補知縣張調原參摘去頂帶之處准其開復出自

鴻施爲此附片具

奏伏乞

聖鑒訓示謹

奏

硃批另有旨欽此內閣奉

上諭李星沅奏請開復知縣頂帶等語陝西前署宜川  
縣事候補知縣張調自被參後於兩月限內將首夥  
各逸犯全數弋獲尙知愧奮所有原參摘去頂帶之

處著准其開復欽此

奏謝子杭鄉試中式摺子

奏爲恭謝

天恩事竊臣接閱湖南鄉試題名錄臣子李杭中式第  
三名舉人當卽恭設香案望

闕叩頭虔謝

天恩伏念臣仰蒙

高厚游厯清華屢典文衡重膺量寄記萃笙之入宴輪  
指十科凜英鵠之分折仔肩二陝方矢涓埃於報

李文恭公奏議

卷四

陝撫

四

國敢期弓冶以傳家

臣

子李杭質本軫材年當弱冠

棘園初試學未啟夫蓬心藁榜新題數適符於鼎

足歌鹿雅而欣聞後起顧駕驅而倖附先登撫分

增慙循涯祇懼惟有勉貽清白彌助義方訓守一

經冀策小成於蛾術感深兩世常邀

大造之

鴻施所有

微臣

感激下忱謹繕摺恭謝

天恩伏乞

皇上聖鑒謹

奏道光二十三年十月十七日具

奏奉

硃批知道了欽此

查明鄉試年老士子未經中式摺子

奏爲查明鄉試年老士子未經中式循例奏

聞仰祈

聖鑒事竊照文闈鄉試年屆八十諸生三場完竣者例

應於揭曉後查明具

奏又嘉慶十八年禮部議定章程奉

旨歷科鄉會試後查明年老諸生三場完竣者分別加恩  
用以嘉惠者儒行之已久未便遽爾停止著仍照舊查

辦惟浮開年歲人數冒濫其弊不可不除著照舊例遞

加十歲方准列入等因欽此欽遵在案本年陝西癸卯

科鄉試

臣於揭曉後卽飭藩司將完場年老諸生

查明詳報復咨送陝甘學政沈兆霖查對學冊實

在年歲移覆前來

臣查陝西省年屆八十三歲之

大荔縣附生向敏八十一歲之鳳翔縣附生王國

楨等二名均年逾八旬三場完竣榜發未經中式

該生等青衿勵志皓首窮經操觚不懈於芸窗注

籍未登於藥榜幸際

作人之雅化宜邀

錫命之殊榮所有查明完場年老諸生緣由理合循例

恭摺具

奏伏祈

皇上聖鑒勅部核覆施行謹

奏道光二十三年十月十七日具

奏奉

硃批禮部議奏欽此

查明北山歉收州縣懇

恩緩徵摺子

奏爲查明北山歉收州縣懇

恩緩徵積欠銀糧仰祈

聖鑒事竊照藩司陶廷杰詳稱據榆林府知府徐松以所屬榆林葭州懷遠神木府谷五州縣本年所種秋禾收成僅止五分有餘均屬歉薄且葭州神木府谷又間被雹傷除該三州縣被雹之區應徵本

年正賦錢糧業已另案請緩其未被雹地方暨榆林懷遠二縣本年額徵地丁銀糧草束并榆林縣本年出易倉穀葭州節年尾欠兵糧三十五并二十二等年尾欠出易倉穀二十二年春借折色籽種尾欠銀兩神木縣二十二年民欠春借未完一半折色籽種銀兩均請照常全數徵收外所有榆林懷遠神木府谷四縣道光十三年起至二十二年止民欠緩徵地丁銀糧草束以及該四縣并

葭州道光十一年起至本年止節年出易常社倉  
穀出借折色籽種口糧銀兩均請展緩又據署綏  
德州知州宋恒祥以該州暨所屬清澗米脂吳堡  
三縣本年各色秋禾播種之際雨澤稀少入秋以  
後陰雨又多禾苗未能暢茂收成亦止五分有餘  
體察民情未免竭蹶應請量予調劑除各州縣本  
年下忙地丁銀兩均已徵解通完其應完廣有新  
建兩倉本年兵糧全數徵收外所有該州并清澗

米脂吳堡三縣未完展緩三十六等年廣有新建兩倉各一半本色兵糧吳堡縣全緩十九年未完廣有倉本色兵糧該州并清澗米脂吳堡十四六十七及二十等年未完出借折色口糧籽種銀兩并出借常糧穀石均懇緩徵等情由司核明具詳請

奏前來臣查該州縣等地處北山民貧地瘠素鮮蓋藏全以秋禾爲重今復收成歉薄若將新舊錢糧

同時併徵民力實有未逮合無仰懇

天恩俯准將榆林懷遠神木府谷四縣道光十三年起  
至二十二年止民欠緩徵地丁銀糧草束綏德清  
濶米脂吳堡四州縣未完展緩三十六十九等  
年本色兵糧并該州縣等同葭州節年出易出借  
常社倉穀出借折色籽種口糧銀兩一概緩至道  
光二十四年秋後啟徵以紓民艱之處出自

鴻慈爲此恭摺具

奏伏乞

皇上聖鑒訓示謹

奏道光二十三年十月二十七日具

奏奉

硃批另有旨欽此內閣奉

上諭李星沅奏請將北山歉收州縣量予緩徵一摺本  
年陝西榆林等處因旱澇不均秋禾收成均屬歉薄  
且該處地瘠民貧素鮮蓄藏若將新舊錢糧同時併

徵民力未免拮据加恩著照所請所有榆林懷遠神  
木府谷四縣道光十三年起至二十二年止民欠緩  
徵地丁錢糧草束綏德清澗米脂吳堡四州縣未完  
展緩三十六十九等年本色兵糧并該州縣等同  
葭州節年出易出借常社倉穀出借折色籽種口糧  
銀兩一概緩至道光二十四年秋後啟徵以紓民力  
該撫卽刊刻謄黃徧行曉諭務使實惠均霑毋任吏  
胥舞弊用副朕軫念歉區至意該部知道欽此

查禁各屬私錢摺子

奏爲陝省各屬查禁私錢循例奏

聞仰祈

聖鑒事竊照私鑄小錢行使定例責成州縣隨時訪拏究辦並於年終出具境內并無私鑄及行使小錢印結詳報督撫具

奏一次等因本年陝省各屬經臣等督飭剗切嚴禁認真查緝去後旋據城固縣訪獲民人黃富全雇

奏劉歇私鑄銅錢未成一起黃富全聞拏投首減  
擬杖徒劉歇親老畱養照例詳辦咨部在案此外  
各廳州縣均各在境內隨時隨事嚴密稽查尙不  
致有行使小錢以及私鑄之事現屆年終據該廳  
州縣等出具境內并無私鑄及行使小錢印結由  
藩臬兩司核明會詳請

奏前來臣覆查無異除仍責成實力躡訪毋得視爲  
具文外所有二十三年分各屬查禁私錢緣由理

合循例恭摺具

奏伏乞

皇上聖鑒謹

奏道光二十三年十一月二十五日具

奏奉

硃批知道了欽此

附奏並無京控咨交案件片子

再前准吏部咨欽奉

上諭各省京控咨交案件嗣後著該督撫將逾限未結之案每届半年彙奏請旨交部議處一次俾承辦各員咸知儆畏等因欽此查陝省自本年七月至今止並未接准刑部及都察院步軍統領各衙門咨交京控案件亦無從前逾限未結之案現屆半年理合附片奏

聞謹

奏

硃批知道了欽此

覆查被災州縣情形摺子

奏爲遵

旨查明據實覆

奏仰祈

聖鑒事竊臣接准軍機大臣字寄道光二十三年十月

初三日奉

上諭本年陝西澇縣等州縣被水被雹節經該省奏到  
隨時加恩分別緩徵撫卹小民諒可不致失所惟念

李文恭公奏議

卷四

陝西

七

來春青黃不接之時民力未免拮据著傳諭該撫體察情形如有應行接濟之處卽查明據實覆奏務於封印前奏到候朕於新正降旨加恩等因欽此仰見皇上軫念黎元

恩施無已之至意伏查本年陝省被水被雹各屬節經臣隨時分別輕重恭摺

奏蒙

天恩分別撫飢緩徵銀糧草束及節年出易出借銀糧

小民仰沐

皇仁實已各安生業茲復渥荷

聖慈垂念來春青黃不接之時民力未免拮据

諭令查明具奏臣與藩司陶廷杰復加確查除被水之

沔縣襄城被雹之神木府谷及秋收歉薄之榆林  
綏德米脂清澗吳堡等州縣業經撫卹緩徵藉紓  
民力且來春尙可出易倉糧均毋庸另行接濟外

惟延安府屬之定邊漢中府屬之洋縣榆林府屬

之懷遠葭州四州縣均山深地瘠居民素鮮蓄藏  
本年被水被雹歉收之後雖經分別撫卹緩徵銀  
糧草束及節年出易出借銀糧現在無虞失所第  
相距來年夏收爲日甚長當青黃不接之際窮黎  
未免拮据應請將被水被雹及歉收之定邊洋縣  
懷遠葭州四州縣俱於來春在常社倉內酌借籽  
種本色口糧其貯糧較少之區卽行折色散放俾  
資接濟臣當督率藩司認真查核并嚴飭地方官

妥爲辦理務期實惠及民均霑  
闡澤所有籌酌接濟緣由理合恭摺覆

奏伏乞

皇上聖鑒訓示謹

奏道光二十三年十二月初五日具

奏奉

硃批候旨行欽此

甄黜知縣摺子

奏爲知縣才不稱職請

旨分別降補以肅吏治仰祈

聖鑒事竊知縣爲親民之官必須才具勤明年力強盛  
始足以資治理臣於陝省各屬隨時認真察訪其  
不能勝任者節經據實

奏參在案茲復與司道詳加考核查有藍田縣知縣  
徐鎮年四十九歲浙江監生人尙小心自愛惟近

日治事輕弱不能振作有爲緝捕甚難得力止可  
降補佐雜以期愧勵將來又試用知縣饒澍畛年  
五十三歲雲南舉人才識迂拘辦公竭蹶難勝民  
社之任該員係由教職俸滿保舉升用止可仍令  
司鐸庶不至貽誤地方相應分別請

旨將藍田縣知縣徐鑄以府經歷縣丞降補試用知縣饒  
澍畛以教職降補均照例歸部銓選所有甄核知  
縣緣由謹會同陝甘總督臣富呢揚阿恭摺具

奏伏乞

皇上聖鑒訓示謹

奏道光二十三年十二月初五日具

奏奉

硃批另有旨欽此內閣奉

上諭李星沅奏知縣才不稱職請分別降補一摺陝西  
藍田縣知縣徐鑛治事軟弱不能振作有爲著以府  
經歷縣丞降補試用知縣饒澍畛才識迂拘辦公竭

李文恭公奏議

卷四

陝撫

癸

職該員係由教職保舉著仍以教職降補均照例歸  
部銓選該部知道欽此

密陳司道府考語摺子

奏爲密陳司道府考語仰祈

聖鑒事竊照藩臬道府人員居官賢否例應於年終出  
具切實考語密

奏一次臣自本年正月抵陝恪遵

恩訓勉飭官方亟以察吏爲先務除庸劣不職之員均  
經隨時參劾外所有司道府各官共資表率聿專  
責成而品地自判醇疵才力亦分優绌久與之處

則聞見較真觀於其微則爲守易著

臣

每稽之政

事察之語言驗之輿情採之公論惟此循名而核

實庶幾浹歲以程材固不敢從刻苛求尤不敢循

私容隱謹就

臣

愚昧所及出具切實考語手繕清

單恭呈

御覽伏乞

皇上聖鑒謹

奏道光二十三年十二月初五日具

奏奉

硃批單片俱畱中欽此

附奏學政考試情形片子

再學政考試情形例應督撫年終詳查具

奏其初到任時所延閱文幕友人數亦應查明附陳

茲陝甘學政

臣

金國均甫於本年十月抵任現在

開考鳳翔府

臣

密加詢訪關防甚爲嚴肅取士亦

無間言除再飭提調官隨時確查稟報外該學政

所延幕友共計六人內江西舉人沈奎湖北舉人

劉傳曾周超獻直隸副貢王寶禾湖南廩生湯士

寬河南增生羅定瑜均籍隸外省并無陝西本地  
之人按試足資襄閱理合循例附片奏

聞謹

奏

恭謝

頒賞福字摺子

奏爲恭謝

天恩事竊臣齊摺差弁回陝捧到

恩賞

御書福字一方臣當卽出郊跪迎至署恭設香案望

闕叩頭祇領欽惟我

皇上泰階集祐

李文恭公奏議

卷四

陝撫

七

鼎祚斟元

闔澤延洪百順普嘉祥之應

韶禧茂豫八方殷介景之思

臣

猥以軽庸渥膺

恩遇顧涓埃之未效時兢惕以方深屆茲鳳紀更新特

荷

龍光遠賚

奎文星煥榮邀一字之

宸題

寶墨春濃喜拜

九天之

寵賜仰

鴻慈之下逮實釐戴以難名願偕二陝蒸黎誦箕疇而  
式欽

敷錫敬率三秦僚屬瞻

羲畫而同慶蕃釐所有微臣感激榮幸下忱理合繕摺

恭謝

天恩伏乞

皇上聖鑒謹

奏道光二十三年十二月二十六日具

奏奉

硃批覽欽此

查明錢糧完解數目摺子

奏爲查明錢糧完解數目循例奏

聞仰祈

聖鑒事竊照嘉慶八年五月內准戶部咨開令將新徵  
錢糧數目於十二月內先行奏明仍於次年四月  
內具題等因歷經遵照在案茲據藩司陶廷杰詳  
報道光二十三年分額徵民屯更起運並糧折等  
項內除各屬畱支外實應解司銀一百三十三萬

九千三百三十七兩零自本年二月起至五月底  
止已完銀九十萬一百七十三兩零未完銀四十  
三萬九千一百六十四兩零自六月起至十一月  
底止續完銀三十九萬五千六百九十八兩零均  
經解貯司庫仍未完銀四萬三千四百六十五兩  
零統計本年新徵錢糧已完九分六釐有餘又帶  
徵道光十九年舊欠未完緩徵銀七百一十二兩  
零並十六年舊欠未完緩徵銀四百六十五兩零

因榆林懷遠神木府谷等縣二十三年秋收復歉  
奏明緩至二十四年秋後啟徵是以均仍未完等情  
具詳請

奏前來臣覆核無異除將未完銀兩嚴飭督催趕緊  
徵解外所有道光二十三年分額徵正賦及舊欠  
銀兩截至十一月底止已未完數目理合循例具  
奏伏乞

皇上聖鑒謹

奏道光二十三年十二月二十六日具

奏奉

硃批戶部知道欽此

附奏委署知縣片子

再藍田縣知縣徐鑽經

臣

甄別

奏請以府經歷縣丞降補歸部銓選所遺員缺查有  
米脂縣知縣歐陽山年壯才明堪以委令署理據  
藩臬兩司會詳前來除批飭遵照外理合循例附

片奏

聞謹

奏

硃批覽欽此